

于忠肅公像



附錄

卷之一

于忠肅公集附錄卷之一

像贊

王世貞

已巳之歲治極而疵孽牙其間逆胡麀至獍盜蝟起
當六飛北狩之初倡羣小南遷之議泥馬迨於汗踵
銅駝亦垂蒙棘物情競變大事欲非時則有若少保
兵部尚書贈太傅錢塘于肅愍公謙字廷益入贊樞
庭受知 黼袞出片言而折利害捐百口以定安危
亢鼎屹乎如山萬姓因之奠枕乃若受服若鉞擐甲
郊畿溫言拊循士如挾纊振臂一呼瘡痍盡起溫禺

日逐之羣旣豨突而爭進忽狼戾而反奔然後勵精
臥薪開誠推轂軍事旁午動中機宜尺書所臨咸驚
廟筭以故羅施鬼方之域牂牁夜郎之黎雖叛者九
起而蕩平相屬戰龍甫戢玄黃之血未乾飛羽向寧
赤白之囊自鮮身危震主禍發殺機長謳告逝毋忝
廣陵之彈恩綸繼褒獲返關西之葬所云功首豈亦
有臯耶余小子叨列旬宣薄游吳會循覽徃哲有概
於中因爲之贊以昭其盛其辭曰

蹇蹇肅愍盡瘁旬宣綏晉及周十有八年晚贊中樞

附錄

卷之一

二

力折羣奸竝如砥柱以奠播遷折箠匈奴飛檄黎蠻
黃屋長尊紫蓋不愆文武吉甫萬邦爲憲嗇沓背憎
匪降自天百身曷贖九有稱寃勝繇天定功以久明
小子吏浙敬聆德聲詮管作頌敢告司盟

又

夏時正

抱全所畀養有剛明之氣急先所務規恢天下爲慮
壹以忠誠上結明主之知不以身家致爲行己之
累此公功業之所由基而允乎公輔之具也保釐筭
鰥衣食振整隳頽廢寢忘味四方漸以削平四

夷咸知姓字此公功業之爲隆而漏萬特挂其一二也屬茲陽九運厄鑿輿出狩北逝衆議南遷公則痛懲宋人之失計虜逼圍城公則赴敵捐生以自誓用全京師百萬生靈保安宗社無疆斯世此公功業之大人不得窺其涯涘也功當裂土封侯河山帶礪事須報讐雪恥曳輪未濟不自有而曾若無有無可賞而寧不自賞不知己之孤立不顧人之嫉忌夫臣當事君以忠唯君能使臣以禮明明日麗層霄湛湛漏澤九地諭祭則昭有憐忠之文節惠則炳乎肅愍之謚輝煌紫誥丹青信史公孤保傳春秋歲祀天子萬年世祀無替

諭祭文

維成化二年歲次丙戌二月戊戌朔越十一日

戊申

皇帝遣行人司行人馬璇諭祭故少保兼兵部尚書于謙曰卿以俊偉之器經濟之才歷事

先朝茂著勞績當國家之多難保社稷以無虞惟公道而自持爲權奸之所害在

附錄

卷之一

三

先帝已知其枉而朕心實憐其忠故復卿子官遣人
諭祭嗚呼哀其死而表其生一順乎天理厄於
前而伸於後允愜乎人心用昭百世之名式慰
九泉之意靈爽如在尚其鑒之

誥命

奉

天承運

皇帝制曰朕惟功大者褒典宜隆行偉者揚名必遠
惟顯忠於既往斯勵節於方來古今攸同豈容

附錄

卷之一

四

緩也故少保兼兵部尚書于謙氣稟剛明才優
經濟兼資文武茂著聲猷當

皇祖北狩之時正國步艱危之日乃能殫竭心膂保
障家邦選將練兵摧鋒破敵中外賴以寧謐人
心爲之晏然

迴鑾有期論功應賞不幸爲權奸所構乃隕其身

輿議咸冤卹恩已錫茲復贈特進光祿大夫柱

國太傅謚肅愍命有司立祠致祭用昭旌崇之

典於戲執羈勒守社稷勞蓋均焉表忠直愧回

邪理則明矣誕敷嘉命永賁幽局靈爽如存尚
其歆服

弘治三年三月十四日

祠祭文

維弘治某年歲次某甲子二八月某甲子朔越
某日某甲子浙江杭州府某官某等謹以牲
醴庶品昭告于

少保兵部尚書贈特進光祿大夫柱國太傅謚

肅愍于公曰惟公志秉公忠才兼經濟逢時

附錄

卷之一

五

艱危安內攘外

社稷之功世永不忘報祀之典

恩命用彰時維仲春竭誠將事公靈有知聿來鑒只

尚饗

勘合

左軍都督府爲陳情比例乞

恩憐憫軍功興滅繼絕事今填守字三百六十五號

勘合劄付本司比對硃墨字號相同行屬完報

須至劄付者

計開

一件

陳情比例乞

恩憐憫軍功興滅繼絕事准吏房付該經歷司案呈
准兵部武選清吏司手本奉本部連送該本部
題本司案呈奉本部送於兵科抄出應天府致
宗仕府尹于冕奏故父于謙由進士歷官少保兼
兵部尚書當正統十四年逆虜犯順

國家多事之秋臣父受

附錄

卷之一

六

命總督軍務堅絕和議力沮南遷獎率三軍矢心
效死率致強胡敗走

宗社莫安

鑿輿光復此

皇天后土所共鑒
九廟神靈所共知中外臣民所共覩不幸為權奸構

陷既蒙

先帝昭雪幽枉遣官祭復蒙

皇上軫念忠勳加贈太傅

賜謚肅愍

命有司立祠於原籍杭州府錢塘縣墓所

賜額旌功春秋致祭此崇德報功萬世之

盛典也緣臣父止生臣一子先年蒙

念臣父微勞授臣府軍前衛世襲副千戶職事後

臣乞

恩改武就文歷陞今職致仕臣今年七十四歲既無

同胞兄弟又乏嫡庶子息惻惻老獨四顧無依

臣一身螻蟻之微孤苦固不足恤惟痛一旦身

附錄

卷之一

七

先朝露則臣父之嗣遂絕祠堂墳墓無所付託

不無有孤

列聖眷念之

恩非獨臣爲子者痛心天下之人凡知有忠義者亦

莫不爲之嗟悼也臣節該伏覲

大明令凡無子者許令同宗昭穆相當之姪承繼

先儘同父周親次及大功小功總麻如俱無方

許擇立遠房及同姓爲嗣欽此欽遵臣思有宗

弟于明任直隸新安衛千戶致仕生有五子已

嘗遵例告官行文該衛擇取其次子允忠爲嗣
祠堂墳墓日後皆付託於允忠臣切思先任兵
部尚書王驥以征麓川有功子孫至今世襲靖
遠伯爵馬昂白圭程信余子俊等先後爲兵部
尚書各以有功見今子孫俱蒙叙廕臣父之功
與王驥等相類而臣父歿於忠節尤爲不同臣
又稽之於漢如曹叅之後無嗣永元年間下詔
求其近親宐爲嗣者紹封馮異之後乏祀永初
年間下詔拜元功二十八人無嗣絕世者皆得

附錄

卷之一

八

紹封繼絕備載前史爲勸將來伏望

聖恩憐憫如天地無不覆幬如日月無不照臨近體
見行

恩例遠追前代故典俾臣嗣男允忠得以廕授臣原
授世襲武職看守祠堂墳墓則

聖朝興滅繼絕之

恩典超越前古而臣一家歿生人鬼咸霑再造之
恩於無窮矣臣昧歿冒干

天聽激切祈

思焱

命之至具本該通政使司官奏奉

聖旨該部看了來說欽此欽遵抄出送司查得先爲

憲宗乞

恩事該府軍前衛中所副千戶于冕奏稱少保兼兵

部尚書于謙男先因父正統十四年保安

國家微功授以今職天順元年父被誣害伊亦受

枉克軍八年

赦宥爲民今復原職自稱不諳武事乞要改武就

附錄

卷之一

九

文等因具本該本部查議得于謙先年因有軍

功以此

朝廷陞用其子今于冕旣已情願改武就文合無

准其所奏將本官送去吏部徑自查照改授等

恩事因具題成化四年二月初六日奉

憲宗皇帝聖旨是欽此及行准吏部驗封清吏司手

本開查得靖遠伯王驥先於正統六年以兵部

尚書往雲南總督軍務攻勦麓川叛寇思任發

等班師回還正統七年五月內

欽封靖遠伯頒給

誥券子孫世襲指揮同知正統十四年五月內奉

勅往貴州等處勦殺生擒賊首劉平王等解京兵部

將節次殺賊功次議擬具奏節該奉

欽衣王驥准世襲伯爵欽此又查得已故太子少保

戶部尚書馬昂次男馬恕奏稱伊父節次差往

邊方督兵殺賊累立軍功乞要照例授以世襲

一職等因具本該本部查議具題成化十二年

二月初五日奉

附錄

卷之一

十

憲宗皇帝聖旨他父既有前項勤勞與做錦衣衛百

戶欽此續該左春坊左諭德程敏政奏稱伊父

程信先任兵部尚書總督軍務四川山都掌等

處殺賊立有軍功要將伊男程壘量授武官一

職等因具本該本部查議具題成化十二年五

月十二日奉

憲宗皇帝聖旨程信既先年有殺賊功勞伊孫程壘

與做錦衣衛世襲百戶欽此又查得吏部聽選

監生余賓奏稱伊父余子俊任兵部尚書加太

子太保中外四十餘年累有督軍殺賊功次乞
要將伊男余承祖錄用等因具本該本部查議
具題弘治二年四月初九日奉

聖旨余子俊既累有軍功他孫余承祖與做錦衣衛
世襲百戶欽此今該前因案呈到部看得應天
府致仕府尹于冕奏稱伊故父于謙歷官陞少
保兵部尚書當正統十四年逆虜犯順
國家多事之秋臣父受

命總督軍務獎率三軍矢心效死卒致強胡敗走

附錄

卷之一

十一

宗社奠安

鑾輿光復不幸爲權奸所陷既蒙

先帝昭雪幽枉遣官祭壙復蒙

皇上軫念忠勲加贈太傅

賜謚肅愍立祠墓所春秋致祭崇德報功萬世

盛典緣臣父止生臣一子先年蒙念臣父微勞授

臣世襲副千戶後臣乞

恩就文歷陞今職臣年七十四歲既無同胞兄弟又

乏嫡庶子息惟痛一旦身先朝露則臣父之嗣

遂絕墳墓祠堂無所付託有孤

列聖眷念之

恩照例立有宗子于允忠爲嗣祠堂墳墓日後皆託於允忠要照靖遠伯王驥等事例將允忠廕受原授世襲副千戶武職看守祠堂墳墓一節查得正統十四年虜酋也先收併部落不下二十萬擁衆南侵勢甚猖獗先犯大同宣府邊將勞不能支請兵

朝廷

附錄

卷之一

十二

英宗皇帝大駕親征不意有土木之禍兵部尚書鄜埜歿於軍中于謙任兵部左侍郎陞本部尚書比時軍士喪亡殆盡京師城中空虛人心恟恟無所底定羣臣中有欲議和者有欲南遷者獨謙堅絕和議力沮南遷收集散亡舉用舊將經營圖回鞠躬盡瘁招壯勇選漕軍軍威大振人心少安旣而也先躬率大衆奉送

英宗皇帝臨於城下謙乃列營於安定門外堅不與戰虜知有備大掠而回尋奉

聖駕南還保

宗社以獲安固邊境而不失者于謙之功居多豈
王驥馬昂白圭程信余子俊之功可比不惟人
所共知抑且載在本官奏議雖封侯伯俾之世
襲亦不爲過但謙知忠於

朝廷而不知慮其子孫謙以持身而不慕其爵祿
不幸爲權奸所害復蒙

朝廷雪其冤枉錄其前功旣贈其官而錫之謚復
許立祠而賜之祭褒功之典前代所無但于謙

附錄

卷之一

十三

止生一子而子又無嗣若有祠而無人以奉有
墓而無人以守其於興滅繼絕之道有未盡而
崇德報功之典有所孤也今于冕旣立宗人之
子爲嗣又於律例有合其于冕原授世襲副千
戶係伊父于謙總督軍務克平虜寇軍功所陞
與馬恕白鎰程璫余賓之官無異合無將于允
忠仍授以于冕原授世襲副千戶惟復另與一
軍職就往杭州前衛帶俸以奉于謙之祠而守
其墳墓庶褒功之典永永不替此等

恩典出自

朝廷臣等未敢擅便定擬伏乞

聖明裁處緣係忠臣子孫乞

恩錄後以奉祭祀及奉

欽依該部看了來說事理弘治十年十月初二日太

子太保本部尚書馬等具題本月初四日奉

聖旨是于允忠准做世襲副千戶銓注杭州前衛帶

俸欽此欽遵合連送該司行該府經歷司呈府

轉行浙江都司著落杭州前衛當該官吏照依

附錄

卷之一

十四

本部題奉

欽依內事理欽遵行令于允忠依今授世襲副千戶

於本衛左所帶俸取親供繳報施行連送到司

合用手本前去左軍都督府經歷司呈府依文

施行等因案呈到府合付該科類行浙江都司

依文施行備付准此合行本司依文施行

欽差提督軍務巡撫浙江等處地方都察院右僉都

御史臣傅孟春謹

題爲乞

恩定謚以揚勲德以慰忠魂事臣聞之父老傳誦故
太傅兵部尚書于謙昔按江西平反冤獄共稱
神明秉公飭憲貪墨解綬所不便于民者釐革
殆盡流風善政民到于今稱之迨臣撫浙觀風
問俗飭兵拊民日以惠綏困疲輯寧地方爲務
間嘗攷求故實尚論

國朝名臣產自錢塘者謙其最著焉十月初一日
謙曾孫于昆具呈乞修顏祠臣隨批浙江布政
司查議臣惟祀以報功有其舉之固不敢廢而

附錄

卷之一

十五

謚以易名惟其似之始可無議按謙當正統初
別歷中外茂著聲猷比也先入寇摠忠殫畫內
固

京師外籌邊鎮防衛

陵寢扼控漕渠修畫立奏動中機宐

社稷倚之爲長城夷狄畏之如虎豹忠肝義膽赫赫
在人耳目不幸被讒蒙戮思功悼枉四海一辭
成化二年

遣官致祭曰

先帝已知其枉朕心實憐其忠弘治三年

特贈太傅謚肅愍建旌功祠令有司春秋致祭是謙
之忠已蒙

累朝優恤得謚肅愍可謂榮矣但臣謹按謚法曰肅
者剛德克就也執心決斷也正已攝下也今謙
在國逢難愍則誠然而名之以肅果盡協乎以
臣之愚而擬議以求其當必也其忠乎蓋忠之
義曰盛衰純固也危身奉上也推能盡忠也廉
方公正也臨患不忘國也卽謙平生之履歷方
附錄 卷之一 十六
其攬轡之初秉正嫉邪廉公有威身死之日家
無長物惟

上賜盛甲袍帶在焉不曰廉方公正乎內修外攘始
終一節不曰盛衰純固乎居常撫膺歎曰此一
腔血竟灑何地知有其國而不知有其身不曰
危身奉上臨患不忘國乎出謀殫慮計安

社稷信哉其推能盡忠矣以彼其行而謚之以忠似
爲允當臣又查得原任太子太保吏部尚書武
英殿大學士石瑤原任太子太保禮部尚書文

淵閣大學士張治初謚文隱後因言官請易在
璠則改謚文介在治則改謚文毅今謙謚之當
聖旨易與二臣同至其人品勲業不啻過之伏乞
勅下該部再加查議如果臣言不謬將于謙照例改
謚忠愍庶名稱其實足以慰九原之忠魂而彰
往勸來有以定萬世之公典矣緣係乞
恩定謚以揚勲德以慰忠魂事理未敢擅便爲此具
本專差承差袁曉齋捧謹題請

旨奉

附錄

卷之一

十七

聖旨禮部知道

禮部爲乞

恩定謚以揚勲德以慰忠魂事精膳清吏司案呈准
祠祭清吏司付奉本部連送該本部題本司案
呈奉本部送禮科抄出提督軍務巡撫浙江等
處地方都察院右僉都御史傅孟春題前事奉
聖旨禮部知道欽此欽遵抄出到部送司案呈到部
看到巡撫都御史傅孟春題原任兵部尚書贈
太傅于謙原謚肅愍欲議改爲忠愍一節臣等

竊惟謚以易名

國家大典一字之擬議天下萬世之公論係焉故考據生前褒崇身後必其名與其人無毫髮不相肖而後足以彰往勸來傳之不朽或有一時擬議偶未妥確即使再爲更定用以昭大公而協輿望亦何嫌于紛更之擾也爲照太傅于謙當

國家已巳

六飛厯北狩之憂羣小倡南遷之議物情時事蓋岌

附錄

卷之一

十八

岌矣謙以一身任安危利害之衝卒能使

九鼎如山萬姓安枕厥功甚鉅且其精誠之志貫金石而泣鬼神忠貞之節通天地而光日月雖爲國蒙難九有爲之稱寃而

賜謚建祠

兩朝已有定論今都御史傅孟春撫浙之初展修祀事偶有感于肅愍一謚謂肅猶未足槩其平生輒有此奏據其考究謚法委屬有見但謚典原

取自

上裁本官卽欲易肅爲忠臣等何敢輕議顧以臣等
前次之愚反覆參詳豈惟肅之一字未足槩于謙之
命下大節卽愍之一言亦若義有未安者夫在
國逢難固曰可矜然謙之死也在

英廟旋已鑿其枉于

累朝又深諒其忠若猶以逢難之義律之非所以彰
先朝之令名而全君臣之大義也查得

國朝以忠愍謚者二如學士劉球員外郎楊繼盛
俱以批鱗之直偶蹈隕身之愚至如謙者鞠躬

附錄

卷之一

十九

報

國既有忠貞不二之節而定傾保大又有旂常不
世之勲比之二臣更有不同先民有言死天下
之事易成天下之事難竊謂于謙之謚第當表
其所以成不必悼其所以死可也旣經該撫臣
具題前來相應酌議恭候

命下行翰林院將肅愍二字并爲更擬上

請伏候

聖明裁定

勅下臣等仍行翰林院撰祭文浙江布政司轉屬支
給官銀買辦祭物香燭紙就遣都御史傅孟春
致祭告以易謚之意庶先臣之精忠大節藉以
重光且以勸後世之爲人臣者垂之信史亦永
有光矣等因萬曆十七年十二月十八日本部
尚書兼翰林院學士于 等具題二十一日
奉

聖旨是欽此欽遵擬合就行爲此合就連送仰付該
司類行浙江布政司轉屬支給官錢買辦祭物

附錄

卷之一

二十

香燭紙就遣都御史傅孟春致祭仍將周過官
錢開報戶部知數毋得因而科擾不便等因連
送到司合付前去煩爲類填施行等因到司案
呈到部擬合就行爲此照會浙江布政司照依
勘合內事理一體遵奉施行

賜謚忠肅諭祭文

維萬曆十八年歲次庚寅二月癸酉朔十六日戊

子

皇帝遣都御史傅孟春

諭祭太傅兵部尚書于謙

謚忠肅

曰惟卿鍾靈間氣者望先朝屬多難以驅馳矢孤
聖忠于板蕩社稷是守力摧城下之要盟樽俎不驚
大坐鎮道傍之流議肆返皇輿于萬里迄維國祚以
再安赤手扶天不及介推之祿丹心炳日寧甘武
穆之寃此卹典所以洊加而公論猶有未愜爰頒
諭祭載易嘉名賁華袞于重原表清風于百世卿
靈不昧尚克祇承

附錄

卷之一

二十一

太常寺少卿鍾化民謹

題爲敬循職掌例查應祀忠臣懇乞

聖明恩賜祭典以慰忠耿以勵世風事臣備員太常
再職在祀事駿奔

太廟恭覩

聖祖神宗巍然俎豆而開國功臣皆從祀焉乃知我
朝待臣之厚如家人父子共食一堂豈惟酬報於

一時抑且激勸於萬世及過順天府學宋臣文

天祥祠在焉考之太常紀曰宋文天祥祠在北

平永樂六年太常博士劉履節謂天祥忠於宋室而燕京乃其死節之所請祠祀焉

成祖文皇帝從之命建祠于順天府學之西歲仲春秋太常寺題遣順天府堂上官一員致祭臣思天祥忠于異代猶然致祭不絕况竭忠盡瘁於我

朝如太傅于謙者祀獨可缺乎天祥旣祠於吉安又祠於順天于謙死於燕都與天祥同而其功存

附錄

卷之一

二十二

社稷又不止任綱常之重者燕京可無祀乎劉履節以博士而請祠天祥循職掌也今職掌在臣而臣又謙之鄉人蓋童而習之矣敢自後於履節之義而不懇

恩於君父之前乎臣嘗考之我

朝實錄稽之吾學諸編于謙才邁人羣忠由天植當也先入寇之日值

宗廟震驚之時惟謙身任樞機獨持戰守矢精誠于天日首重國家內固之謀決大計於危疑力排

羣議南遷之妄運糧餉以廣積儲擐甲冑以倡
勇敢元氣振而羶裘之膽遂寒除醜虜以靜妖
氛遣強胡以復城堡神氣張而義氣激于
皇圖之鞏如故定傾持危忘身殉國雖一腔熱血竟
皇上洒燕都然千古英靈獨垂青史蓋其再造之功
與開國諸臣相匹休而效節致忠有死無二尤
與日月爭光者也弘治三年

勅贈太傅謚肅愍萬曆十八年浙江原任巡撫臣傅
孟春奏

附錄

卷之一

二十三

請改謚荷蒙

皇上賜謚忠肅遣撫臣諭祭于杭莊誦

聖諭赤手扶天不及介推之祿丹心炳日寧甘武穆

之冤我

皇上之知謙者至深

褒謙者至篤憐謙者至真且切矣但謙忠于我

朝而燕京實其死所其生也忠肝義膽旣剖瀝于

茲土而不辭則其歿也忠魂義魄必凝聚于茲

土而不散此燕京不可無祀也不然空山一淚

萬里孤魂春雨秋霜不勝悽愴臣想

皇上厚待忠肅之心豈惜此一祀典哉至於建祠之舉恐非旦夕能成且錢糧缺乏不敢瀆

請臣與同鄉諸臣訪謙舊任玉河橋東各捐俸金共置館地但私祀無以彰其德而公典乃可昭

恩願捐前業作爲官祠不煩

乞 朝廷之費惟求祠額之名及時成禮事屬簡便伏

皇上勅下禮部查照宋臣文天祥事例及一應儀節

附錄

卷之一

二十四

歲仲春秋太常寺題遣本寺堂上官一員致祭并祠額之名議覆

上請亟行本寺遵守庶既往之忠貞以慰而

朝廷報德報功之典咸正罔缺將來之節烈可風而臣子感

恩懷

德之義歿世不忘矣緣係乞

恩定謚以揚勲德以慰忠魂事謹題請

旨奉

聖旨禮部看議來說

聖明恩賜祭典以慰忠耿以勵世風事祠祭清吏司

案呈奉本部送禮科抄出太常寺少卿鍾化民

題前事奉

聖旨禮部看議來說欽此欽遵抄出到部送司行准

八年太常寺典簿廳手本查得太常寺紀內開永樂

六年太常寺博士劉履節奉

命正祀典謂天祥忠于宋室而燕京乃其死節之所

附錄

卷之一

二十五

奏

請祠祀

成祖文皇帝俞允建祠順天府學之西歲仲春秋先

聖旨十日題遣順天府堂上官一員行禮其供祀則

辦祭官一員執事樂舞生五人廚役十二人等

因回復到司案呈到部看得太常寺少卿鍾化

民題稱太傅于謙功存

社稷燕京不可無祀乞要捐地置祠并請額名一節

聖旨爲照于謙天生正氣性負精忠當君出虜入之

秋堅排遷主戰之議擎天捧日委軀命而不辭
旋乾轉坤安社稷以爲悅保金甌之如故再造
功弘調玉燭于重光獨擔心苦一腔熱血寧減
柴市之哀萬里孤魂忍墮牛山之淚視宋臣任
綱常之重心則何殊論忠肅奠

宗社之安績實有倍卽盟之以帶礪非過矧列之於
尸祝何慚且效忠于異代者尚錫俎豆之光乃
盡瘁于

本朝者可乏明禮之典雖杭城有祀不過血食於所

附錄

卷之一

二十六

生而燕地無祠未嘗萃靈於死所履虛增感撫
籍興悲此寺臣鍾化民之所以有請而亦天理
人心之不容已者也恭惟

皇上撫盈成之景運祠祀統之洪圖追惟扶危定傾
之勲宜舉崇德報功之禮卽卜基建廟似亦無
難况化民等仰體

國家多故之時正值錢糧缺乏之際率鄉人而捐
俸置祠地以入官本少保之舊寓爲太傅之新

祠雖則致愛于勲賢實可裨益于

國典臣等復查得本祠門坊高敞堂廡輝煌于凡
藏器牲房靡不具備不煩創建而大禮可興不
費帑金而偉勳可報是誠今日之盛舉仰賴

皇上之特恩合應俯俞寺臣所請將所捐于謙祠地
收之在官比照宋臣文天祥事例准令春秋祭
祀先期十日太常寺具題遣本寺堂上官一員
行禮其供祀人役亦如之至于祠額之名恭候
聖明欽定

命下之日行翰林院撰祭文工部造扁安置再照是

附錄

卷之一

二十七

祠也旌忠所以昭

恩崇節所以勵世欲傳永久合用遠圖前業既以屬
官後事須當有責其地方隸中城兵馬司掌管
嚴禁諸人不許擅入以致瀆褻且看守香火灑
掃等役太常寺撥給廚役四名常川在事其物
久則壞理勢必然以後遇有傾頽處所該城兵
馬司查明具呈太常寺具題行工部量加修葺
務要堅固

聖明俞允行太常寺具題行庶忠魂有慰不惟備

一代之典章而靈爽常存亦可資萬年之保障
矣奉

聖旨是祠名與做忠節

萬曆二十四年十月

賜祀典諭祭文

維萬曆二十三年歲次乙未八月辛丑朔越二十

四日甲子

皇帝遣太常寺少卿鍾化民

諭祭于太傅兵部尚書于謙

附錄

卷之一

二十八

曰惟卿扶輿間氣社稷孤忠當已巳之虜氛屬家
邦之多難矢精誠而殉國竭心力以回天持危定
傾皇輿再返排遷主戰神鼎不搖惜大功之未酬
憾羣奸之肆害沉寃雖白特典當稽魂遊武穆之
西湖血灑文山之燕市卹恩寵被旌未泯之忠勳
勅祀專勵將來之風教爰頒諭祭庶慰英靈

行狀

大明少保兼兵部尚書贈特進光祿大夫柱國于謙
傳謚肅愍于公行狀

公諱謙字廷益其先家河南仕金爲汾州節度使知開封府者於公爲八世祖階朝請大貳令延津者於公爲七世祖定遠大將軍令沁水者於公爲六世祖值金末之亂譜牒散落獨存其官秩而亡其諱五世祖諱伯儀幼遭金亡奉母遷雲中元括新附之衆復遷薊州仕元官至朝列大夫太常丞兼法物庫使累贈嘉議大夫禮部尚書上輕車都尉追封河南郡侯娶晉氏贈河南郡夫人生夔起家中書掾累贈中奉大夫

附錄

卷之一

二十九

河南江北等處行中書省叅知政事護軍追封河南郡公娶張氏贈河南郡夫人生九思歷官中奉大夫廣東道宣慰使都元帥改湖南乞致仕以嘗爲杭州路總管遂家於杭故今爲杭州人公之曾祖也承德公當

國朝洪武初任兵部主事改工部爲時聞人至榮祿公復隱德不仕公以洪武戊寅四月二十七日生于里第骨相異常甫七歲僧蘭古春見而奇之曰此他日救時宰相也比長補邑庠生永

樂十八年領浙江鄉薦明年登進士第

太宗皇帝嘗命齋金帛使湖廣犒勞官軍卽以廉幹著名宣德元年授山西道監察御史公材貌英偉聲如洪鍾每入侍奏對

宣宗皇帝爲之傾聽院長顧佐風紀最嚴少當其意者獨於公加重奏差巡按江西有平民被讐誣指爲賊首久不決公取成案閱之得其寃白之抵誣者罪人稱爲神明

王府官屬素驕橫每遣人和買市物民甚苦之有

附錄

卷之一

三十

王司莫能禁公廉得其實以聞罪黜其尤者十數人弊乃息諸不便於民者釐革殆盡奸吏巨族素不法者縮氣屏息不敢肆民戴公至今祀於郡學名宦祠比代還

命率錦衣官校捕長蘆一帶馬快船之夾帶私鹽者公不避權貴悉置之法河道爲之肅清

上親討漢庶人高煦簡公侍從罪人旣得

上命公數其不軌罪辭嚴義正肆口而成大稱

上旨師還賞賚與文武諸大臣等蓋自是受知於

上屬意用公矣五年河南山西兩省各奏災

廷議欲命大臣經理

上親署公名特陞行在兵部右侍郎巡撫二處地方
時年三十有三公感

上知遇晝夜經畫遍歷河南山西問民所疾苦爲之
興利除害二省之民獲蘇越五年

英宗皇帝嗣位公還 朝議事復出巡撫九載秩滿
進左侍郎公在河南屢布大政其一勸糴糧米
大略以爲積粟備荒雖一時之勞實萬世之利

附錄

卷之一

三十一

其法先儘上戶次儘中戶以十分爲率用官庫
鈔物糴買一二以備饑荒後連年水旱民賴以
濟其二備物堰水公嘗親至汴城相視河勢令
所司每年趁農隙之時採取秋青草堆積近
水之處以備捲埽自是隄備無虞其三減價糴
賣大略以爲河南懷慶陝州餘糧有在倉五七
年之上者屢奏量減價值糴與陝西山西饑民
并直隸潼關衛軍餘與河南安插逃民食用全
活者衆其四摠誠祈禱公每見天久不雨卜日

齋戒丹誠疏懇雨澤隨降人以爲精誠所致其
五稅糧折鈔請缺糧地方徵收本色其不缺者
存留稅糧每石折鈔五十貫以備支用官民兩
便其六種樹浚井大略以爲本處四方孔道奏
於所在急遞大路中築高阜旁開壕塹栽柵而
於十里則穿一井以便行者盛暑無病渴之苦
其七分豁差遣議者欲將山東柴炭人夫大名
府孳生馬匹分調河南喂養應當公具言本處
民情艱難差役繁重停止之其八修築堤岸請

附錄

卷之一

三十二

當農隙之時修築大堤一座以遏黃河水勢仍
於旁堤種樹以固根基每五里各立窩舖專人
巡守坍塌者隨卽修補堤至今在焉其九撫賑
流民時山東陝西流民逃移甚衆公慮貽患地
方令住居相近者編成里甲另立鄉都住居星
散者就與各州縣原鄉都就近安插各立里長
管束撥荒田并退灘地令其耕種生理地方賴
以無虞其十減徵糧布時本處州縣所在旱災
公具奏起運京邊糧料布花馬草係國家軍需

不敢請減其存留糧草并被災衛所秋田子粒量減三分或四分軍民卒賴以甦至於山西地方極臨邊塞比之河南大不同公廉知大同鎮守都司等官私役軍人耕種庄田邊方之患莫此爲甚盡行勘數具奏撥與軍人屯種徵收子粒軍還原伍又奏山西行都司十三衛俱在大同府地方寫遠巡按御史不能遍歷軍衛有司事多不法乞專差監察御史一員於大同巡按鴈門關控壓邊境所係不小關城坍塌工程浩

附錄

卷之一

三十三

大本處修理人力不敷請暫留本衛原調京操放回官軍協同修理工程卒完無告勞者柴炭人夫本處通計七千八百餘名議者欲附近紫荆關易州山場州縣差撥公以附近紫荆關者無如大同太原二府地方大同極邊已奏將人夫改添腹裏州縣矣太原所屬艱難尤其其餘州縣亦合斟酌民力分派共以七分爲數通減一分詔從公議人皆稱便公又奏乞將逃民宣德六年秋糧馬草并宣德七年夏稅停徵後遇

有司官員考滿牌冊務令開寫有無人民逃移
并巳未復業數目繳報吏部以憑黜陟庶有司
知所警懼人民不致逃竄邊儲折收輕齎金銀
等物大戶往往中途拐回公奏令布政司封收
押送大同管糧官處出給通關議者欲將金銀
重別煎銷公以邊方給散官錢每兩折四石今
金六錢折銀一兩每銀一兩折米二石比與日
常官銀多得一半若復煎銷則木炭黑鉛必須
出於糧戶設或虧折又將何以陪償奏免煎銷

附錄

卷之一

三十四

官民便之公自河南抵山西夜徑太行山羣盜
各持兵刃喊而前從者相顧駭愕公厲聲叱曰
汝何爲者羣盜覺公遂奔散其德威服人如此
山西叅議劉孔宗律已過嚴流輩寡合羣小誣
以賊汗累及妻子公上章白其事卒不坐公巡
歷梁晉間年久事蹟不可勝紀每以盈滿自懼
十一年上章舉叅政孫原貞王來以自代時太
監王振方用事御史有類公姓名者常忤振振
忘其人疑爲公迺乘機嗾言者劾其擅舉自代

之罪降大理寺左少卿罷巡撫河南山西之民
聞之倍道赴

闕交章願畱親藩亦以地方不可無公爲請迺復
命巡撫會得榮祿公之訃 詔起復公累章懇乞終
制不許

上遣行人汪琰諭祭有司營葬事畢還

朝陛見有河南山西民安事妥之

諭尋復兵部右侍郎理部事明年聞劉夫人喪復
懇終制

附錄

卷之一

三十五

朝廷以邊事方殷 不許仍遣行人汪琰

諭祭有司開壙祔葬畢冬還

朝又明年爲正統十四年虜酋也先入寇獨石馬
營至秋勢益猖獗

上將親率六師討之公偕尚書鄺楚上言

聖朝備邊最爲嚴謹將士用命可坐收功不必親率

六師以臨塞下

皇上宗廟社稷之主誠不可不自重 不聽是年八

月三日六師啓行初

上命公隨征忽改遣鄭埜畱公理部事十有五日師
駐狼山土木主將不識地利遠絕水路我軍焦
渴甚窘促玩不爲備俄而虜騎奄至王師敗績
歿者填委溝壑爲滿蓋曠世所無之奇禍也

上北狩報至京師大震公北望號哭誓不與虜俱生
太后命郕王監國是日臺諫廷論土木之變罪歸王
王振

王方攝朝倉卒未有處分錦衣衛指揮馬順素附
振意頗不平衆怒擊順歿於廷且索振所親信

附錄

卷之一

三十六

二內侍將擊之彼此喧譁班行雜亂無復

朝儀文武諸大臣皆驚避公堅立不動

王亦疑懼屢起欲退公直前扶掖勸止之且請降
大旨令羣臣立班勿擅動命紅盔將軍用爪擊二

內侍期亟歿

王從之時在

廷上下相顧未已公恐事出不測復進言曰請再
宣諭羣臣王振罪固當赤族俟啓

太后行誅未晚馬順罪惡應歿勿論衆稍定退

朝時過午刻矣公袍袖皆裂徐步出 左掖門吏

部尚書王直迎執公手謂曰今日事起倉卒賴
公以定雖百王直將焉用之公辭謝不敢當

太后以公人望所屬陞兵部尚書公固辭不獲始就

職公以

鑿輿未回大敵垂至若前日扈從失律者一槩寬
貸則今日被堅臨陣者何所畏憚迺上章劾之
其罪大略曰武臣如顧興祖等茫無一計可施
遂使三軍覆沒上棄

附錄

卷之一

三十七

君父於虜廷下委生靈於丘壑文臣如王佐等雖無
敗軍之罪難逃違法之誅

王令法司議罪以聞時 親藩有上章願赴

闕勤王者

太后遣太監金英傳旨

皇太子冲幼未能遽理萬機 邨王年長

宣宗皇帝親子安嗣大統言者亦以時方多事國有
長君社稷之福於是文武羣臣交章勸進

王涕泣固辭避歸邨邸不出

太后後降旨責王不得已乃卽位遙尊

英廟爲太上皇帝改明年爲景泰元年天下始知有君朝綱始肅法令始行公見

上泣曰虜賊不道氣滿志得將有長驅深入之勢不可不預爲計邇者各營精銳盡揀隨征軍資器械十不存一宥急遣官分投召募官舍餘丁義勇起集附近民夫更替沿河漕運官軍令其悉隸神機等營操練聽用仍令工部齊集料物內外局厰晝夜併工成造攻戰器具京城九門最爲緊要令都督孫鏜衛穎張軌張義雷通等統領軍士出城守護列營操練振耀軍威遣給事中御史等官王竑等分投巡視勿令疎虞各城門外居民虜若迫其協從則敵勢愈衆宥令兵馬司排門曉諭遷徙城內聽各隨便居住通州壩上等處倉糧不可捐棄令在官諸人關支准作月糧之數一舉兩得計無便於此者大同宣府等處曾經虜騎往來剽掠者請

附錄

卷之一

三十八

勅各處守臣諭以今日國家之事必須輯和衆庶固

守城池整擲人馬互爲應援一切關隘樓櫓墩臺壕塹務在挑修深固不許虛應故事至於選用人材尤爲當今急務文臣如軒輊者宜令巡撫武臣如楊洪柳溥者宜爲將帥凡軍旅之事宗臣請身任其責不効則治臣之罪

上深嘉納悉施行之時邊報絡繹訛言萬端事情百六出公先事預防攝權制變衆一視公爲安危輕重太監喜寧本胡種也土木之敗降也先盡以中國虛實告之遂爲鄉導奉

附錄

卷之一

三十九

英廟趨紫荆關京師戒嚴人無固志往往挈而南奔侍講徐瑄妄言占象倡議南遷以避之事聞

六宮而二三大臣復依違其間公慟哭於廷抗言上京師天下根本

宗廟山陵社稷咸在此百官萬姓帑藏倉儲咸在此此處不守何處可守若一動則大勢盡去宋南渡之事可監矣

上是公言堅持固守之議先是京場草束自永樂以來承平日久俱在城外堆積動以千數百萬計

壩上養大馬草束料豈亦置倉場於野外公一
聞虜寇臨關急分遣五城兵馬司官縱火焚燒
一面奏

聞或謂事重何不待報公曰事有經權今寇在目前
若少緩待

命下適以資虜及京城解嚴人皆服公經濟遠略設
不預爲焚燒之計則在野倉場皆虜囊中之物
藉此持久坐困我必矣主將石亨與公謀議頗
異只欲盡閉九門堅壁以待之公不聽乃請率

附錄

卷之一

四十

先將士躬擐甲冑軍德勝門外閉闔城門示以
必歿泣諭三軍誓言國恩當報忠義難得事機
一失禍患立至生不如歿人人感奮勇氣百倍
十月之朔也先入紫荆關傳言送

駕還京長驅直前其先至者四散前突我軍堅不
爲動知我有備稍自引却也先次至城下對我
壘而陳

英廟在也先所虜曾覘知我軍嚴整不敢有加我亦
不敢向虜輕放一矢喜寧喉也先邀我六七大

臣出城議和奉

駕還宮所邀金帛以萬萬計蓋責我所難從以起
釁端廷議怙怙禮部使來問公公曰今日止知
有軍旅他非所敢聞對壘凡七日是爲十月旣
望謀知虜中移

英廟車駕離其壘漸遠乃砲擊其壘虜歿砲下者萬
計也先大沮宵遁仍奉

駕以北我軍奮欲還擊之公不許止令逐出境外
縱之自去初紫荆失守公集議所以禦寇之策

附錄

卷之一

四十一

皆曰也先善戰而我軍新集且脆弱公曰聞善
戰不若不戰而屈人也乃一以忠義干城卒致
一矢不遺虜衆自退人謂天實生公以爲

社稷朝廷論功特加少保總督軍務固辭不允人
言今日宋李綱不能及公曰四郊多壘卿大夫
之恥城下但不盟耳今日惟有聲罪討賊復還
車駕此臣子之職分餘非所宜言適大同叅將郁
督許貴議奏遣使齎

勅與虜假名和如暫不林工詩人馮強壯密定討伐

之計

朝廷下其議公奏謂去年秋冬亦嘗遣都指揮李鐸指揮岳謙齋執金帛往使虜庭賄賂纔入於穹廬虜騎已至於關口繼遣通政王復少卿王榮又往虜營不見

上皇鑿輿而回此可見虜情譎詐和不足恃竊計今日之事揆之理與勢皆不可和何者中國與虜有不共戴天之讐和則背君父而忘大義理有所不可和也萬一和議既行彼或有無厭之求

附錄

卷之一

四十二

從之則有害違之則速變勢有所不可和也爲今之計莫若選將練兵養威蓄銳虜若遣使入貢量與賞賜齎回若欲先遣使臣往彼通好適足以啓其輕侮之心萬萬不可

上以公言爲然公又以涿鹿保定真定易州地方密邇京城雖有衛所官軍勢孤援寡先已奏遣都督僉事劉安統領京軍往來巡視以張形勢邇者虜賊知我京城有備不敢輕犯或分投在彼剽掠一時截殺不及奏添京軍遣都指揮陳旺

石端王信王虹等前去應援又恐地方廣濶劉安倉卒不能周遍仍請

勅右都督楊俊統領京軍往彼節制務使緩急相濟人民有所倚仗公又以虜寇深入必先攻犯白羊紫荆倒馬等關口誠係緊要處所奏將調撥京軍與同原衛官軍相兼隄備仍將涿州原操官軍應策白羊口易州保定官軍策應紫荆關真定官軍策應倒馬關庶使聲勢連絡彼此應援無僨事者俄報也先逼朱謙於關子口又明

附錄

卷之一

四十三

日報追石亨於鴈門關烽火接連遠邇搔動言者謂宐急發京軍往援公曰京軍不可輕動虜衆料難持久迺奏上方略遣人密授朱謙等仍令各營整點器械調度官兵若將剋日大舉者遙爲應援先聲旋報虜已出境人皆服公料敵之明公慮不早除喜寧邊境無由得安乃計授都督楊俊擒寧解京

朝廷猶預未決公上章廷劾其罪其略曰喜寧以打話爲由引領強虜入寇本

朝廷之腹心而反爲胡虜之腹心本胡虜之仇敵而反爲

朝廷之仇敵若不明正典刑是使夷虜有輕視之心禍亂無可彌之日

上從其言誅寧識者快之也先果知懼悔禍効順遣使詣

關請自送

大駕還京

上集羣臣廷議多言虜情誦詐難信公曰此天意也

附錄

卷之一

四十四

君臣大義兄弟至親當速遣使奉迎以承天心若果也先言而無信則我爲有辭矣衆議乃決

二年秋九月

太上皇帝還京衆歸公一言之重公以虜情尚未可測益爲安內攘外之策河間東昌地方去京城不遠自永樂以來安置投降達人數多生聚蕃息驕縱莫馴也先入寇之際勢將乘機騷動公因南征之師舉其有位號者重與犒賚選抽隨征事平遂奏畱其地爲國家銷此積久難除之

患於一日 天壽山我

祖宗陵寢所在有衛無城軍民散處虜寇嘗稔惡其地公奏起成山伯王通築城昌平縣軍民徙家城中保護

陵寢居庸關亦相倚爲勢臨清縣漕船往來商賈輻輳實我喉襟之地或謂也先將由紫荆關入據臨清公隨薦平江侯陳豫鎮守其地築立城池設置軍衛防禦完固後諜知據臨清之計河間亡命小田兒者道之後又雜虜衆中進馬入

附錄

卷之一

四十五

暇我虛實適侍郎王偉使大同公密奏命偉以計誅之公又以京營軍馬雖有總兵官掌管彼此各異一遇調遣輾撥號令不同兵將不識或至誤事議以五軍神機三千等營揀選馬步官軍一十五萬分爲十營每營各以都督總領每五千用都指揮一員每千又用都指揮或指揮一十五員把總每五百各用指揮三十員分管每隊用管隊官二員常令在營操練統體相維兵將相識設有調用就令原管都督等官統領

前去征勦策應號令歸一行伍不亂迄今圍營之法守而不易其獨石馬營等處藩籬共有八城土木之變各城奔避皆爲虜所據議者欲棄之公曰棄之則不但宣府懷來難守京師不免動搖乃薦都督孫安於久擯之餘定議方略令率兵度龍門關且戰且守自是八城完固如初

祖宗舊疆不失尺寸都督楊俊議奏調撥遼東永平山海宣府大同延綏寧夏并在京五軍神機等營官軍盡行統領出自勦殺達賊公以調撥諸

附錄

卷之一

四十七

路軍馬出境則京師各邊一切空虛虜若緝知內外軍馬掣動分兵迎截牽制我軍別遣犬羊間道剽掠所在城池何以禦之追退之間兩爲所礙豈兵家全勝之計

上深然其言俊議乃沮時浙江福建廣東廣西等處賊人鄧茂七華宗流黃蕭養輩蜂起殘破州縣一切軍中事宐所司待

命方行公雖在千萬里之外常若身處其地目擊其事凡百籌畫議奏痛切人情利害用能所在撲

滅地方以寧獨貴州苗賊聲勢猖獗侍郎何文淵議奏貴州山嶺高峻林木深密雄兵猛將卒難成功乞照舊置立宣慰司管屬土人設都司都指揮等官鈐束軍衛遣大將一員在彼鎮守其被賊燒毀衙門不復起蓋布按司府官員悉取回京公謂貴州我

祖宗開創經營迄今八十餘年法制已定地方無虞比因兵疲於久戍民困於遠輸遂致各種賊寇乘機竊發况土地

附錄

卷之一

四十八

祖宗之土地人民

祖宗之人民豈可輕易委棄事遂寢公以北虜殘滅軍國之務規畫甫定邊方無復多事懇辭解兵柄又以天變自劾乞罷職皆不許初也先臨城之時石亨雖爲主將其實因人成事得封世襲武清侯爵一向內有所歉至是驀然以公有軍功宐錄用其後爲請

朝廷授冕府軍前衛副千戶公累章懇辭有曰臣果欲代子求官自當乞恩於君父何必假手於

石亨不得已受命語晁曰我本書生不知兵惟
聖主憂勤吾分當歿遂不揣調度軍馬區區犬馬之
勞顧荷寵異之重爾宐砥礪名節毋忝

朝廷官爾之意不肖孤言猶在耳痛切肝肺

朝廷賜公第京城公上章懇辭謂國家多事之秋
非臣子安居之日邇者土星犯太微上相臣忝
備大臣正宐貶損以禳天譴豈可厚享以重災
愆

不許乃以所賜玉帶金帛器皿圖書盛甲蟒龍服
附錄 卷之一 四十九

飾移置第內封識加謹以侈大

朝廷之賜間一往視之公夙染痰疾動輒喘急寓
宿直房以便朝謁一日疾舉

上遣太監興安太醫院使董宿視疾宿云此疾得竹
瀝和藥可愈興安爲

上言之且言公自奉甚儉京城地寒無竹惟

大內萬歲山竹頗成林

上親幸伐竹賜之仍令計所費用一切給自尚方蓋
異寵也病中懇求罷歸 不許乃降 手勅慰

諭免公朝叅且屢促公出視事公總督軍務漸久凡各營號令進退賞罰皆由公出平日議論斷制宿將斂伏石亨等不能贊一辭况亨素貪縱多壞軍政公恐誤大計不得已悉裁之以法無少貸遂成嫌隙亨姪石彪頗驍勇議者嫌其一門同握京兵公奏以石彪充遊擊將軍往大同等處截殺本善處也反切齒於公思有以傾之七年杭郡湖水竭土裂人皆驚異尚書孫原貞方鎮守兩浙間語人曰人材之生鍾山川之秀今日之兆哲人其委乎蓋指公也明年正月景泰帝不豫在延文武羣臣同公等上章請憲廟臨朝議未下

太上皇帝光復寶位改元天順實天與人歸之會石亨等貪天之功掩爲已有假奪門迎復之名以欺

朝廷誣迎立外藩之罪以報私怨原其奸計蓋謂此罪不重則彼功不高不大殺股肱重臣則威不立不搆成黨逆大獄則權不專乘機嗾言官

劾公與王文等六七大臣俱下獄所司勘得
金牌勅符見存禁中別無顯跡亨等揚言雖無
實跡其意則有廷鞠之日徐有貞對衆大聲令
所司痛加考掠文不勝其忿反覆力辯公徐曰
辯之何益所司畏懼亨等羅織煅煉添捏意欲
二字文致成招蓋踵於秦檜所云莫須有之故
智也忠良被誣古今如出一途痛哉是月二十
三日狀聞

上猶豫良久曰于謙曾有功衆相顧未及對徐瑄避
附錄

卷之一

五十一

倡南遷之故改名有貞素以前事憾公直前對
曰若不置謙等於死今日之事爲無名

上意乃決公與文遂遇害時錦衣衛指揮劉敬帶刀
侍衛目擊其事後每言及公未嘗不切齒於有
貞有貞又與亨輩令所司奏列被害諸臣姓名
誣以奸黨榜示天下遣官來杭繫家屬戍邊沒
產於官公沒之日天日無光陰霾蔽天行路嗟
咨太監吉祥麾下達官朶耳者素不親公聞公
歿慟哭都市且以紙錢壺漿酌公吉祥聞之切

責明日號哭如初忠義感激雖降虜異類天理
昭在不可泯也所司籍公第自昔所嘗賜外無
他物其後陳汝言代公爲尚書以賂敗

上御便殿以所籍財物陳

大內廡下召大臣入視且曰景泰間任于謙久且
專歿無餘物汝言未期何得賂之無筭耶時

上色變亨輩俛首不敢動者久之越數日

上擊毬內苑恭順侯吳瑾撫寧伯朱永等數勲舊隨
侍石亨張軏張軫自外來未及至

附錄

卷之一

五十二

御前

上遙見亨等連以毬杖戳地曰好箇于謙如此者數
聲瑾永等皆流汗沾背戰慄無所措出語所親
曰觀

上意亨輩將無所逃矣一日邊報忽急集羣臣

廷議未定恭順侯吳瑾進曰于謙若在邊患何足
慮

上爲之默然旣出有詰瑾者曰君先世爲謙所劾幾
敗事君何過言瑾大聲曰豈可以私家之怨而

廢天下之公議耶初公被害時

皇太后宮中闕而莫知後聞之嗟悼累日適

上來問安

太后語之曰于謙曾効勞不用當放彼歸田里何忍

置之於死

上益悟其寃而深悔之不旋踵間徐有貞以罪遠竄

石亨等竟坐謀逆夷滅無噍類此天道好還之

明驗也公之遺骸都督陳逵密賂守者收殮城

西淺土且囑居民守之又踰年冕遣義兄康謁

附錄

卷之一

五十三

逵復備棺衾康扶歸葬祖塋明年

憲宗皇帝卽位改元成化

詔釋冕等之戍邊者仍給還家產天日開明公道始

白冕還自龍門詣

闕訴先公之寃仰荷

大朝廷大恩復公故秩遣行人馬瞻祭於墓其文曰

當國家之多難保

社稷以無虞惟公道而自持爲權奸之所害在

先帝已知其枉而朕心實憐其忠中外稱快冕亦復

官從使臣歸展拜墓下痛墓道圯毀有浙江叅政何宐仰公高義力爲修葺三年特

旨令天下有司燒毀奸黨榜文盡復榜內被誣者官秩間有復起而大用者二十一年杭之父老白其事於巡按御史劉魁立祠於公故第以風勵鄉人名曰憐忠祠遵

制語也山西河南民多繪公像於家出入飲食必祝之河南開封府城亦有庇民祠以祀公越三年

附錄

卷之一

五十四

今上皇帝卽位是爲弘治元年冕以應天府尹致仕始得專守公墓鳳陽府學訓導儲衍奏公功績卓異宐

賜贈謚立廟祭祀言甚愷切禮部將上其事給事中孫孺議奏古之節義若諸葛亮在漢張巡在唐文天祥在宋今之節義若侍講劉球祭酒李時勉少保于謙俱合一體祭祀表勵將來蒙

朝廷歲賜一祭於鄉民所立之祠

恩至渥也冕痛念公未蒙

贈謚尋復乞

恩於

上事下禮部議得古今人臣能爲

國家建大議成大功者生則有旌擢之恩歿則有
褒恤之典若前宋岳飛盡忠報國歿非其罪其
追謚祠祀在宋就已舉行于謙受冤雖同而功
業所就則大過之空如其子所請

朝廷從之建祠墓所賜額旌功有司春秋祭祀其
文曰逢時艱危安內攘外

附錄

卷之一

五十五

社稷之功世永不忘仍

賜贈謚誥命其略云當

皇祖北狩之時正國步艱危之日乃能殫竭心膂保
障家邦迴鑿有期論功應賞不幸爲權奸所搆
乃隕其身輿論咸冤恤恩已錫茲復贈特進光
祿大夫柱國太傅謚肅愍用昭旌崇之典

天語丁寧垂之萬世

朝廷終始恩典雖天地之廣大何足以盡之六年

浙江左布政使劉大夏泣事之初卽祀公於杭

郡學鄉賢祠十年巡按御史姚壽爲公建忠節坊牌於城隍祠下以表彰之蓋皆知所重云公天性狷介謝絕交通不立黨援一以忠誠上結主知分謗任怨但知有國不知有身有家平居未嘗言及於私惟事之有關休戚雖違衆行之無所憚不貸賊吏不見小過急於薦賢惟恐沒人之善凡公所甄拔後皆一一知名如巡撫時薦孫原貞王來以自代後二人皆官至尚書令名彰彰公知人之明大率類此方北虜犯順之時軍

附錄

卷之一

五十六

旅方興中外交章論事紛紛不一議下兵部公皆一一裁之以理可者奏而行之否者止之知無不言言無不用卒能坐困也先匡濟

王室若昔晉武帝時郭欽上徙戎之疏而卒不見聽宋欽宗時李綱沮和議之非而爲羣小所譖遂使劉淵竊號中土金人入據汴京臣主俱辱貽天下後世笑方之今時又未嘗不爲公幸獨其所司專於兵政其他一切大小之事各有攸主有不盡如公所願者且如動搖儲位一事比

先首建邪謀迎合

朝廷者廣西都指揮王洪也職掌邦禮欣然定議者誰歟天生下民作之君父有天下傳之子執筆草詔者誰歟當時密受黃金重賞略無難色人所共知况會官定議之日舉朝羣臣莫不俯首聽命臺諫言職竝無一人喘息奈何石亨等用徐有貞之策情知迎立外藩之罪出於誣捏不能服天下人心仍諷所司以衆人之僉謀遂事一槩加公必欲置人於死寃哉寃哉此窮天極地之寃也公歷事

附錄

卷之一

五十七

三朝服官三十餘年位極人臣先世室廬之在故鄉者未嘗增飭尺寸丁內外艱家居衰絰徒跣無異常人其孤忠峻節更歷夷險先後一日凡遇休暇諸子百氏之書涉獵無遺爲文有奇氣而主於理詩詞清逸流麗人爭傳誦之在江西時和祭酒胡順菴山居十詠詩在河南時

周獻王索和馮海粟梅花百詠詩皆揮筆立就尤長於奏疏每政事旁午章日數十上累千萬言

不假構思揮翰如流人稱爲天下奇才云自號
節菴有節菴詩文稿行於世恨遭變故僅存什
一於千百耳配董氏累贈一品夫人前翰林庶
吉士永豐知縣鏞之女寔生冕柔惠靜專通詩
書大旨公平日得以盡心職業而無內顧之憂
者夫人蓋有助焉先公十一年卒公年未五十
竟不再娶亦不更置妾媵人皆義之男一卽冕
女一適錦衣千戶朱驥亦以公故謫戍後釋累
官都指揮使掌錦衣衛事後公三十餘年相繼

附錄

卷之一

五十八

卒孫男一曰允忠不肖孤冕無子立同宗子爲
嗣初名恕今以字行孫女六長適吏科給事中
張晟卒次適工部主事倪阜次續適張晟次適
德清縣學生徐九萬次適益都知縣孫武卿次
聘杭州府學生沈繼榮竊念冕性資庸下加之
老耄不能肖公萬一仰愧俯忤至無以自容於
世顧公門生故吏鮮有存者無以質公功業之
所遺其梓行奏議亦不能悉公之所有幸公是
非已白大寃已雪大功已彰傳之天下後世無

疑者謹撫拾其立

朝行已履歷之大進白於著述之家幸採擇焉

孤哀子于冕泣血謹狀

神道碑

大明故少保兼兵部尚書贈特進光祿大夫柱國

太傅謚肅愍于公神道碑

賜進士出身資善大夫禮部尚書侍

經筵官前翰林院學士同修國史同邑晚生倪

岳誤

附錄

卷之一

五十九

憲宗皇帝紀元成化之初故少保兼兵部尚書于公

之子冕歸自謫所卽銜哀列疏以訟父寃

上聞而憫之追復故秩遣行人司行人馬瞻往祭其

墓其文有曰當國家之多難保

社稷以無虞惟公道而自持爲權奸之所害在

先帝已知其枉而朕心實憐其忠由是天下稱快曰

此誠天日開明公道暴白之秋也於乎休哉已

而杭之父老白于巡按監察御史請卽公所居

建祠祀公榜曰憐忠導

制詞也

今上皇帝紀元弘治之初訓導儲衍奏公功績安賜
贈謚立廟以祀言甚剴切禮部將上其事會給
事中孫孺復言古之節義則諸葛孔明張巡文
天祥今之節義則李時勉劉球與公安一體報
祀以厲後來廷臣合議以

聞詔歲一祀公于鄉民所立祠未幾冕以應天府尹
致仕歸復列公平生行業請如制贈謚以慰泉
下累數千言事下禮部議僉謂古今人臣能爲

附錄

卷之一

六十

國家建大議成大功者生則有旌擢之恩沒則
有褒恤之典若前宋岳飛盡忠報國歿非其罪
其追謚祠祀在宋俱已舉行公之受冤雖同而
功業所就則大過之宐如其子所請

制可賜謚曰肅愍建祠于墓表曰旌功命有司春
秋致祭其文有曰逢時艱危安內攘外

社稷之功世永不忘復

賜贈官誥其略曰當

皇祖北狩之時正國步艱危之日乃能殫竭心膂保

障家邦廻鑿有期論功應賞不幸爲權奸所搆
乃殞其身輿論咸冤恤恩已錫茲復贈特進光
祿大夫柱國太傅用詔旌崇之典

天語丁寧垂之萬世蓋至是而公之寃以白公之功
以著矣於乎休哉於是冕抵書京師謂岳在里
姻之末又適官禮曹親承

德音安爲具述其事勒之墓碑以昭示無極岳不敏
何足以知之按狀公諱謙字廷益姓于氏號節
菴其先家河南八世祖某仕金爲汾州節度使

附錄

卷之一

六十一

知開封府七世祖某階朝請大夫延津令六世
祖某定遠大將軍沁水令金末兵亂譜牒散佚
僅存官秩而亡其諱五世祖諱伯儀金亡奉母
遷雲中元初收括新附復遷薊州仕至朝列大

夫太常丞兼法物庫使累贈禮部尚書上輕車
都尉追封河南郡侯妣晉贈河南郡夫人高祖
諱夔起家人請中書掾累贈中奉大夫河南江北等
處行中書省叅知政事護軍追封河南郡公妣

張贈河南郡夫人曾祖諱九思階中奉大夫湖

南道宣慰使都元帥延祐間爲杭州路總管致仕遂家于杭故今爲錢塘人祖諱文大入

國朝仕爲兵部主事改工部父諱彥昭隱德不仕自曾祖而下皆以公貴累贈榮祿大夫少保兵部尚書曾祖妣馬楊祖妣施妣劉皆贈一品夫人公生有異質甫七歲僧蘭古春奇之曰此他日救時宰相也長游邑庠領永樂庚子鄉薦明年登進士第宣德紀元丙午拜山西道監察御史公風儀峻整音吐鴻暢每入侍奏對

附錄

卷之一

六十二

上必注聽院長都御史顧佐風紀甚嚴獨器重公巡按江西奏白誣獄出數十百人於歿劾治王府之以和買害民者一道肅然比還復同錦衣官校往理官船之貨私鹽者公不避權貴河道以清

上親征武定州罪人旣得

命公數其罪公辭嚴義正肆口而成大稱

上旨師還受賚與從征大臣等自是受知于

上屬意用公矣庚戌河南山西災廷議必得大臣兼

理之

上親署公名擢兵部右侍郎

賜勅以往年方三十有三朝野榮之公感

上知遇夙夜經畫遍歷梁晉間問民之所欲惡而興
革之民大感悅九載秩滿進左侍郎公在鎮久
多善政在河南者尤著若勸民糶粟官爲收糶
以備賑荒預擬河患督採近地草束以備築堰
公庾積久易敗卽減價而糶旁省亦獲以濟征
輸脫有贏餘卽以鈔折納官民交以爲便歲旱

附錄

卷之一

六十三

奏減存留糧草積誠以禱雨澤民忘其災河流
歲衝土城遂築大隄以障植柳以爲固立舖設
夫役以備修補復植柳干道以蔭行旅鑿井以
濟道渴迄今存焉時議者欲移山東薪炭及大
名牧馬于河南公抗疏止之山東陝西民流徙
其地公爲立里以居給田以耕不使貽患地方
後皆視以爲法其在山西奏革大同鎮將役軍
士馬耕種之弊盡入其田爲軍屯復以大同遠在北
邊乞專差御史一員巡歷其地庶姦弊可革遂

爲永例議處修築鴈門軍役議派柴炭人夫通融有法仍奏減七分之一以甦民困時災傷民流移公設法招徠又恐復業者憚於徵輸無復固志卽奏免所欠稅糧復請著令有司考績以有無流民爲殿最使知警焉其地霜早田薄收當輸邊者多折齋金銀姦民恒竊以逃公奏遣官解以懲其弊且請免煎銷以便分給尤爲民利公嘗自河南抵山西夜經太行山有羣盜持兵喊而前從者駭愕公厲聲叱曰汝何爲者耶

附錄

卷之一

六十四

盜聞公言大驚散去其德威所著如此有叅議劉孔宗者律已甚嚴頗與流輩寡合衆構賊罪汚之公知其誣卽奏白其事恒以盈滿爲懼請舉叅政孫原貞王來以自代時中璫王振方用事有御史姓名類公者嘗忤之意以爲公遂乘機嫉言者劾公擅舉自代罷爲大理左少卿二省之民倍道赴

闕交章乞留

親藩亦以不可無公爲請乃復

命巡撫寔正統丙寅歲也明年復爲兵部右侍郎
留理部事時公考妣相繼歿皆

命奔喪兩遣行人汪琰抵杭

賜祭治塋事懇乞終制 不許又明年己巳虜首
也先寇獨石馬營至秋遂猖獗

上下詔親征公與尚書鄭公埜上言邊方將士皆可
託以制虜不必上煩六師且

皇上宗廟社稷主無輕臨戎懇畱不聽八月望日師
次土木虜奄至主將失律王師敗績

附錄

卷之一

六十五

皇輿北狩宣府懷來僅以自保沿邊城堡奔潰一空
皇上京師大震時公獨任部事北望號泣誓以滅虜
將議集兵爲守護京師計會

皇太后命邠王監國以係人心于時臺諫廷論土木
之變罪歸王振

王始攝朝倉卒未有處分錦衣指揮馬順素附振
意頗不平衆起猝順擊歿復索振所親信二內
侍將擊之班行誼雜無復朝儀

王疑懼屢欲退諸大臣亦多歛避公堅立不動時

掖

王請畱且請降旨宣諭羣臣無擅動振罪俟請命
太后行誅順罪應歿勿論命將軍亟擊二內侍歿衆
乃定退朝漏過午刻公袍袖爲裂吏部尚書王
公直執公手曰今日正賴公等若某百輩何能
爲公辭謝不敢當進兵部尚書固辭不獲始就
職公受任多事之際首劾扈從失律者武臣顧
興祖輩文臣王佐輩皆宐議罪以

聞庶後之任事者知所用 命從之

附錄

卷之一

六十六

王嗣位尊上

太上皇帝號改明年庚午爲景泰元年公入見泣對
曰虜賊不道犯我邊疆遮畱

犬駕彼旣得志將有長驅深入之勢不可不豫爲計

邇者各營精銳兵械且盡宐亟募兵易漕卒以
備調令工部分局治兵器以備用京師九門尤

爲要地宐令都督孫鏜衛穎張軌張義雷通分

兵以守選給事中御史如王竑輩佐之列營于

外以振軍威徙郭外居民於城內隨地安插無

爲虜所掠通州所積糧數百萬挽運固難棄之
或以資虜宐令在官食糧者悉詣關支人以多
寡受糧而歸全集京師庶幾兩便大同宣府嘗
經虜剽掠請

勅各地守臣協力防鎮訓練修飭務使有備至於
選任人才尤爲至務文臣如軒輓者宐令巡撫
武臣如楊洪柳溥者宐爲將帥軍旅之事臣請
身任其責不効則治臣之罪

附錄

卷之一

六十七

上皆嘉納行之時邊報絡繹訛言萬端公先事預防
達權至變眾視公以爲安危太監喜寧胡種也
土木之潰降歸也先因爲之用導之人寇虜奉
車駕趨紫荆關京師戒嚴朝臣至有挈家南奔者侍
講徐瑄因謬言占象倡議南遷事聞

六宮人心搖動公爲慟哭抗言于廷曰京師天下
根本

宗廟山陵社稷在此百官萬姓帑藏倉儲在此此而
不守去將何之一動則大勢去矣宋南渡之事

可鑒也

上是公言守議遂定王將石亨復爲異議欲盡閉九
車門堅壁以避賊鋒公言不可請率先士卒躬擐
甲胄出營德勝門外閉門以示必死泣以忠義
諭三軍人人感奮勇氣自倍十月朔也先入紫
荊關傳言送

駕還京前驅突至我軍堅不爲動知我有備稍自引
却也先次至城下對我壘而陳
駕亦在虜營虜覘我軍嚴整不敢有加於我我亦不
敢向虜輕發一矢喜寧嗾也先邀大臣出議和

附錄

卷之一

六十八

且需金帛萬萬計蓋強所難從以起釁耳對壘
凡七日是爲十月旣望虜移扈蹕漸遠乃舉砲
擊虜營虜歿砲下者萬計也先大沮宵遁京師
解嚴時謂不戰而屈虜兵實天生公以爲

社稷也論功加少保總督軍務固辭久之乃受嘗
謂人曰四郊多壘卿大夫之恥今日惟有聲罪

討賊復還

車駕乃臣子之職他復何言大同叅將許貴奏欲遣
使議和以緩虜兵徐爲討伐計公謂去冬嘗遣

都指揮李鐸指揮岳謙厚齎金帛以往虜輒深入繼遣通政王復少卿王榮往議迎復亦不見之讐和則背君父而忘大義理固不可萬一可和虜肆無厭之求從之則害違之則變勢亦不可也莫若選將練兵養威蓄銳無輕遣使以取其侮從之公以涿鹿真保定易州皆京師近地兵力單弱雖嘗遣都督劉安率兵巡視猶慮虜方遠遁或肆剽掠力弗能及卽奏遣都指揮陳

附錄

卷之一

六十九

旺石端王信王虹輩分益以兵往爲之援復請勅右都督楊俊節制之民恃以安又以虜之深入必先攻犯白羊紫荆倒馬諸關復奏撥京兵與其原守官軍互爲應援俾無僨事謀報虜逼總兵朱謙於關子口明日復報追石亨於鴈門關烽火甚急遠邇騷動衆謂安急發兵往援公不爲動卽奏上方略密授亨等仍令各營選調軍馬若將尅日大舉者旋報虜已出境乃服公料敵之審公謂喜寧不除虜卒弗靖乃以計授楊俊

擒送京師公廷劾其罪誅之自是虜竟畏憚悔禍不敢復犯矣辛未也先遣使入貢請送

大駕還京

朝廷疑未之信下廷臣議公曰此天意也君臣大義兄弟至親當速遣使奉迎以承天心萬一虜果懷詐我有辭矣議乃決秋九月

大駕至自虜庭衆躉公一言之重時邊事稍寧公益修安內攘外之政河間東昌諸處永樂間安置降虜甚衆方虜入寇時勢欲乘機而動公因南征奏遣其有名號者以行遂畱于彼以爲潛消之計天壽山

祖宗陵寢所在而無城郭虜嘗犯其地乃奏起成山伯王通城昌平徙兵民其中以衛

附錄

卷之一

七十

陵寢且重邊關之援臨清漕舟所經商舶輻輳實喉襟之地虜入寇時嘗有往據之謀乃奏遣平江侯陳豫築城以守遂爲重鎮尋謀知爲虜謀者乃我亡命小田兒也適雜虜使中來瞰虛實公奏授計于侍郎王偉因使大同道誅之初北

邊獨石馬營八城爲虜所據公謂此不可棄卽
奏起都督孫安授以方略率兵度龍門關且戰
且守由是八城復完公謂京兵分隸五軍神機
三千諸營者雖各有總兵然不相統一或遇調
發動相選摘兵將不識卒難濟事乃議以諸營
馬步兵擇其精者十五萬人分爲十營各立名
號每營以都督一員總領之每五千用把總都
指揮一員每千用把總指揮一員每隊用管隊
官二員團結訓練體統既定兵將相識有警當
調某營則自其總領都督以下督率以行號令
專一行伍不亂兵制之善者也故其法迄今守
之楊俊議奏盡出京營兵併調三邊各路軍馬
大舉勦虜可以得志公執不可曰如此則京師
各路皆空虜或分兵牽制何以應之非兵家全
勝之謀也

上從公言俊素跋扈時謂公此議足以奪其心是時
浙江福建則有鄧茂七葉宗流廣東西則有黃
蕭養乘時竊發殘破郡邑一時命將出師皆出

公籌畫雖遠處千萬里之外懸制切中不啻親
歷其地卒用勦平貴州苗賊作亂侍郎何文淵
奏乞罷布按司復置宣慰司以土官莅其地雷
都司以轄諸衛遣大將鎮之公謂貴州自

祖宗開創餘八十年顧因小寇遽釁成功况土地人
民皆受之

祖宗者豈可輕棄事遂寢公念北虜旣平軍國之務
可緩懇辭兵柄以答天變乞罷皆不許初也
先犯京師石亨因公成功驟躋侯爵心不自安

附錄

卷之一

七十二

乃奏公功宜官一子

朝廷卽授冕府軍前衛副千戶累疏懇辭且曰縱
欲爲子求官亦不當假手於亨不許旣受
命語冕曰我本書生當

聖主憂勤之日分以死報顧功微報腆爾宐砥礪名
節毋忝

恩命

朝廷復於京師之西賜公第一區公上疏辭謂
國家多事之秋豈臣子安居之日况星文示變

正宥貶損豈可厚享以重咎愆 不許乃以平
日所得

賜物盛甲袍帶之屬移置第內封識加謹時一往
視焉公素苦痰喘恒寓直房以便朝謁一日疾
作

上遣太監興安太醫院使董宿來視焉云此非竹瀝
不可愈安爲

上言具述公自奉儉約

上親幸萬歲山伐竹以 賜仍命計公所用悉給自

附錄

卷之一

七十三

尚方蓋異寵也病少間復懇乞罷歸 不許特降
勅諭畱免公朝叅屢遣中使促公出視事其爲

上所倚重如此公握兵久號令賞罰皆出於公言議
所及宿將歛伏亨等不能措一辭亨素貪縱尤
爲公所裁積成嫌隙亨姪彪本驍將時皆慮其
一門同握京兵公乃奏遣彪充遊擊將軍往戍
大同二人不得遂所私益切齒於公思有以傾
之矣丁丑正月

景皇帝不豫公同廷臣上章乞復

皇儲未報

英宗皇帝復正宸極此實天與人歸之會亨等貪天
之功掩爲已有卽誣公等迎立外藩以爲罪與
大學士王文六七大臣俱下獄所司以金牌

勅符俱存他無顯迹可據亨等必欲置公於死會徐
瑄等以倡南遷爲公所斥久不獲進因易名有
貞尤街公者廷鞠之日力言大肆拷掠空無不
承文不勝忿力辯不已公曰亨等意已如此辯
之何益所司承亨風指乃以意欲二字附會成

附錄

卷之一

七十四

獄蓋卽秦檜莫須有之故智也是月二十三日
狀上

上猶豫良久曰謙實有功衆未及對有貞直前曰若
不置謙於死今日之事爲無名

上意乃決時錦衣指揮劉敬方帶刀在宿衛目睹其
事每言及未嘗不以爲恨公沒之日天日無輝
朝野冤之太監吉祥麾下達官朶耳者聞公死
慟哭都市以壺漿酌公祥聞之切責焉明日往
哭如初此實忠義感激人心雖異類而天理固

不泯耳先是杭之湖水竭土裂人驚異之孫原
貞方以尚書鎮浙語人曰賢才之生實鍾山川
之秀今日之兆哲人其萎乎蓋指公也至是卒
驗云公之生爲洪武戊寅四月二十七日得壽
六十而已惜哉所司籍公家自

朝廷所賜外他無一物蓋公平日自律之嚴也未
幾陳汝言代公爲兵部以賄敗

上命陳所籍物于

大內廡下召大臣入視且曰景

泰間謙任事久且專沒無餘物汝言未期何得

附錄

卷之一

七十五

賄無筭耶

上色變久之亨等俛首不敢動撫寧伯朱永出語人

曰今日觀

上意亨輩將無所逃矣一日邊報甚急集廷臣議恭

順侯吳瑾進曰于謙在邊患不至此

上爲之默然初公被害時

皇太后未及知比聞嗟悼累日

上聞之益悟其冤深悔之旣而有貞以罪遠竄亨等

坐謀逆夷滅此皆

上心有所懲而亦天道好還之明驗也初公之遺骸
賴都督陳達憫公無辜密賂守者收瘞踰年晁
遺義兄康詣達達乃具棺衾俾康扶歸杭墓于
祖塋卽今建祠地也公天性狷介不立私黨一
以忠誠結

主知分謗任怨無所顧忌不貸賊吏而恒宥小過急
於薦賢不遺一善凡公所甄拔如孫原貞王來
皆在巡撫時所舉其他文臣武將功名顯著者
尤多蓋公知人之明如此公所至聲績懋異遺

附錄

卷之一

七十六

愛不忘故江西祀公郡學名宦祠河南祀公開
封庇民祠三省之民家有公像飲食必祝皆至
于今不廢及己巳之變軍旅方興中外論事者
紛然議下兵部公悉裁之以理可者行之否則
止之知無不言言無不盡一時克詰戎兵登崇
智勇卒之肅清大憝迎復

乘輿以安社稷以固邊圉此誠不世之功也歷事

三朝位極人臣然故廬之在杭者未嘗增飭尺寸丁

內外艱歸蕭然不異寒士孤忠峻節夷險弗踰

可謂難矣平居好學手不釋卷爲文有奇氣詩詞清麗在江西時和祭酒胡頤菴山居十詠在河南時和馮海粟梅花百詠詩皆頃刻而就膾炙人口尤長於奏疏至今視以爲準當政務旁午章日數十上累千萬言揮筆如流一切皆中事機人服公明決率推爲天下奇才焉平生著述甚多今僅存節菴詩文稿奏議各若干卷禍變之餘蓋千百中什一耳配董氏累贈一品夫人翰林庶吉士永豐知縣鏞之女柔惠靜專克

附錄

卷之一

七十七

謹內助先公十一年卒公年未五十遂不娶亦無媵侍人皆義之生子一卽冕自副千戶改授兵部員外郎進禮部郎中南京太僕少卿應天府尹文學政事無忝家法女一適錦衣千戶朱驥坐公累戍邊比宥還累官都指揮使掌錦衣衛事孫男一曰允忠孫女六吏科給事中張晟工部員外郎倪阜益都知縣孫武卿德清縣學生徐九萬杭州府學生沈繼榮其婿也嗚呼公之功業在天下公論在人心傳在

國史

列聖眷恤恩命屢頒一時之屈萬世之伸一時之冤
萬世之雪公於此可以無憾也已岳生也晚雖
皇曰自童丱得見之聞之日久然才力綿弱不能掄
揚

朝廷褒忠錄功之曠典與公忘身爲
國之大節姑卽冕所述掇拾其槩俾之立石墓道
以示後世以爲他日爲臣者勸焉惟公諱與先
考同未敢以私故闕而不書蓋公之所關者大

附錄

卷之一

七十一

也臨文悚然銘曰

惟天純佑賢俊挺生實商昭周爲國之楨惟公
國之生允濟斯世雄才卓識孤忠正氣始鎮兩藩
時迄司五兵民困畢甦邊塵肅清時方宴安虜忽
竊發

皇曰往哉執挺以撻公疏懇留六師已陳越關而北
曾未浹旬虜敢犯順

皇輿遠狩公獨治兵痛心疾首浮議譏譏公斥正之

國人心搖搖公鎮定之內決

廷論外當虜衝一時安危萬目視公

國步載寧

皇輿遂復名高毀來功大弗錄公存以功公亡以寃
於惟

聖明克俾昭宣萬世之名一日之厄失短獲長公亦
何責穹祠顯號報祀無窮西湖之嘯岳廟攸同
廟貌儼然公其如在嗟嗟後人守視無懈

武林會館

勅賜忠節祠記

附錄

卷之一

七十九

賜進士第中憲大夫太僕寺少卿前福建河南二道

監察御史仁和陳禹謨撰

都人士影組而環聚者距其鄉匪數百里卽千
萬里而遙不有傳舍孰爲延納不有讌會孰爲
聯泱今人處空谷之中聞似音者而喜矧維桑
與梓乎此會館所宏翔也武林故稱省會而影
組於燕者肩摩趾錯獨少士夫會館非闕典哉
歲丙戌余以中舍謬厠西臺因與同臺文陸鍾

公同咨禮垣二洲凌公及中翰樞渠孫公廷尉

華峰許公輩首倡茲舉羣然慕義于喁隨之爰
醜俸貲購得闕居於崇文門之西偏面衢八楹
循闌而進廓然甬道爲堂三楹爲

諭祭文亭一座其後寢室五楹有庖有廡有庋房周
繚以垣儼若崇構於是相聚謀曰茲館之設所
以篤桑梓卽可以寓風勸逆旅云乎哉吾鄉素
不乏名臣而惟忠肅于公最著雖西湖旌忠有
祠

憲廟易名有制

附錄

卷之一

八十

今上改謚有典錫胤秩有加足垂簡冊而勒彛鼎昭
示來茲其灑血之地竟無過軸以妥神庥景行
謂何嘗惟太常掌故尚能以易世之文信抗議
崇祀而忠肅幸際

昭代吾輩托在鄉人以同鄉公社俎豆鄉之先達夫
誰不可適文陸公遷貳清卿遂具疏上聞

賜額忠節歲

遣太常寺堂上官春秋祀勿絕噫嘻真異數哉泮

忠肅迨今凡三閱甲子矣其偉績精忠奕奕照

人眉睫藉第令脂韋者骯骯者身家其念縱躋
躡榮膺薰灼朝紳如曹蜍李志奄奄泉下人耳
其於後世奚勸焉余自

請告歸養去國幾廿禩中間勉赴漕役伏謁祠下
覩廟貌之未肅也駿奔之乏人也輒思有所颺
言促促南去不果會水部郎州來吳公儀部郎
對廷吳公力陳於禮曹移文繕司適歲壬子費
金錢若干縉重加修葺其楹宇益飭而煥其周
繚益增而固余茲者承乏罔署再伏謁祠下鄉

附錄

卷之一

八十一

人謬推祭酒謂宐有言以紀其事余顛毛種種
無能爲矣雖然忠肅公英爽不猶在上乎繼自
今以逞有釋蔬屨而集者則當思其始節有擁
旌旄而出者則當法其保釐有秉樞衡而至者
則當思其靖獻此固命祠初意而凡我鄉紳所
當顧瞻而景行之者也幸毋以駿奔爲末節而
忽諸至於同鄉時享時會與各聯屬桑梓之誼
具有約載在碑陰

大梁重修少保兵部尚書于公祠碑

開封城馬軍衙橋西故有于少保祠云初公以定傾保大之功居無何而歿於是天下人聞公歿咸驚而疑而涕泣語曰鷺鷥冰上走何處尋魚噉而公前巡撫河南時實解馬軍衙橋西而梁父老於是聞公歿則咸涕泣日相率潛詣公故解爲位哭奠焉會

純皇帝立詔曰少保謙寬宥其家而遣祭其墓乃梁

父老則又咸涕泣相率私起祠故解傍祠公伏

附錄

卷之一

八十二

臘忌梁父老則把香曳筇跋履若少壯咸翼如不期至稽首祠下哭填門塞戶矣會又

敬皇帝立詔曰少保謙贈特進光祿大夫柱國太傅

謚肅愍立祠歲春秋祠之而曰旌功祠乃於是

梁父老則又咸涕泣相率數百千人詣關門伏

訴少保謙前兵部侍郎時巡撫功云願梁盡祠

如杭祠不報而梁父老歸伏臘忌歲仍聚哭公

于私祠今三十年餘矣正德十年監察御史巡

按張君清軍許君竝謁公祠下見其門屋三間

僅存堂歆漏欲頽矣。鴿雀擾擾，拱棟鼠走，鴟嘯周垣，盡圯羊豬。外來於是，悄然思俯而悲也已。仰而歛曰：嗟斯非梁地邪？宋不此都哉？靖康之事，千載銜焉。二帝不南矣。夫定傾者，世保大者，食澤流者，思故祠之言思也。血食使之世者也。於是下令曰：少保祠撤，故易腐扶，歆植頽，起圯新而繪塑而級而隅而榮而序備矣。曰：謁者奚止也？則重而堂器，奚貯也？則翼而廊而道士玄林守焉。西北隅其房也，望之栗栗而巉巉，枚枚

附錄

卷之一

八十三

而巖巖是使之世者之道也。李夢陽曰：予觀今人論肅愍公事，未嘗不酸鼻流涕焉。蓋傷爲臣不易云。夫事莫大於君出虜，入排遷主戰四者。旦夕之勢而存亡之判也。乃今人議則異是。或見鮑莊事，輒曰：夫葵猶能衛其足，然獨不思勇士不忘喪其元乎？孟子曰：所欲有甚於生者，故生而有所不用也。然將軍蠡留侯，良功成身抽，天下兩高焉。此又何焉？於乎難言乎難言乎，豈所謂計免者非忠貪盛者違智歟而賊會擁

太上皇大同城下勒降也大同人登城謝曰賴天地
宗社之靈國有君矣至宣府城下宣府人登城
謝曰賴天地宗社之靈國有君矣至京城下京
城人又謝曰賴天地宗社之靈國有君矣於是
公颺言曰豈不聞社稷爲重君爲輕斯言也事
以之成疑以之生者歟且

太子之易南宮之錮二者有能爲公恕者否邪公有
不如意輒拊膺忿曰此一腔血竟灑何地聞其
言孰非酸鼻流涕者而獨咎予也於乎傷乎傷

附錄

卷之一

八十四

乎雖然宗澤岳飛非下於人者艱難百戰卒愠
衄而歿若公者歿可矣歿可矣公巡撫諸所業
載傳狀乃今不復述第述其始終若是亦大者
云祠修於是年春越夏而告成張君名淮南皮
縣許君名完丹徒縣人事祠事者開封知府賀
君銳也系之詩曰於鑠旋運曷平不陂康屯傾
否哲者斯利於維哲英鑿精含貞匪時曷徵匪
猷曷興靡疑靡驚厥伐用成厥育是輕委躬於
誠蛇何盤社龍何在野乾極飈隳日月易舍恣

爾乃賊乃異國邑之亂之訖陵廟岌岌公于其
時矢身以殉山佗排議不懟不震僉曰和宐公
曰有戰四方之事譬絲游刃

帝昇弗疑公泣視師義激六軍如虎如羆惟直斯壯
人心干城肅肅我壘悠悠我旌羯奴喙突疆場
載清載清載寧

皇歸於京古曰荷難今謂曰癡忠古爰嘉今胡嫉而
何讒非名何毀非功孰讒靡和孰毀弗同彼巧
彼在厥膚斯厲古則曰直今曲自爲於乎少保

附錄

卷之一

八十五

時晦時昭古誰無歿歿有榮褒峩峩廟祠棟隆
崇基神之遊之旆旆其旗白馬朱衣有風淒其
歛其有光若往若來卽而罔見跂望連沍茲邦
寄居氓實爾思

旌功祠記

皇上紀元弘治之初仰體

先朝德意俯從致仕應天府尹于冕所請贈故少保
兼兵部尚書于謙特進光祿大夫柱國太傅賜
謚肅愍表祠曰旌功命有司春秋致祭時鎮守

藩臬郡邑官屬皆欽承不懈祠祀畢舉冕瞻拜
涕泗思報無日謹當刻石志感以寧素辱少保
知譽又嘗備員禮科宐書所見式昭久遠越惟
自昔人臣才高任重功大冤極勞生於艱危罔
歿於平治肅愍公百世一人

重華協德反正除邪彰不賞之功辯切膚之譖我
聖朝千古一時也事之始末詳實有

諭祭文國史傳旌功錄天下士大夫弔慰之作亦

既顯赫流傳無煩衍述矣竊念公平生憂勤中

附錄

卷之一

八十六

外遺致身家已已之變誓歿殉國守經行權施
無弗濟揆其要切莫重于掖畱 監國斥沮南
遷燒散芻糧閉關出敵決迓

回鑿堅絕和議計徙寓虜不援虛報八者皆當時

樞機關鍵一得失則廢興所繫少遲速則安危

相倚惟公材器絕倫識度超越隱然以大司馬

兼統五卿之務動無牽制處斷如流用是坐卻

強胡莫安 社稷及邊警解嚴六職仍舊更張

建定各有專屬而所司類以僉謀遂事托公鎮

重不知者固宐責備於公公亦未嘗自辯顧以
久總兵柄監往虞來過于嚴峻一時貪功習矯
如石亨徐有貞輩置不能行禁不得肆恣睢積
怨伺甘心於公者殆非一人公亦未嘗自恤夫
責不辯則疑謗易乘怨不恤則禍難陰蓄卒致
彼投變于安動險于順媒孽附會誣公欲立外
藩搆陷殊死事及公猶舉止安詳略無餘言申
解蓋自任患以來常奉懸宋丞相文山畫像于
臥所其志念明遠操履堅定雖萬不幸當亦無

附錄

卷之一

八十七

所移奪矣未幾亨輩脅權肆姦竄殛相踵天道
好還刑賞類應而公之忠枉夙荷知憐者今
皆顯被褒卹

一命而復官再命而錫祀三命而有易名贈
秩建祠專祀之典意肇于

英皇事舉于

憲聖恩廣于

皇上於崇德報功之間見繼志述事之大非特一家
之慶幸也昔周公避位居東蒙譖入楚雖君臣

賢聖不能無無妄之禍及其末也亦惟因事顯
白而成王終無良悟之心褚遂良岳飛皆以忠
歿今皆秩祀于杭遠者歿百五十年近者六七
十年更歷數朝依違忌沮漸加追重求如今日
之離明乾斷速自

宸衷而 恩澤世洽於肅愍者古未前聞也寧故
曰千古一時百世一人宥府尹君服膺競惕汲
汲圖永以俟首丘於祠墓之傍可謂忠孝無忝
矣於乎至哉

附錄

卷之一

八十八

賜進士出身中順大夫福建汀州府知府前禮科
都給事中吳興晚生七十翁張寧謨

于忠肅公集附錄卷之一

終

